

貴州省苗民概况

貴州省對民祝

由



貴州省對民祝
(二十六年四月)

凡例

一、本刊係根據兩年實地考查所得之材料，擇要偏述，其詳細概況，另見專書。

二、所有應行附入圖表及照片，因製印不便，姑闕。

三、本刊匆促付印，容有誤漏，尙希指正。

貴州苗民概況目錄

導言

第一章 生活

第一節 飲食

一、山芋

二、包谷

三、蕎子

四、糯稻

第二節 衣服

一、材料

貴州苗民概況

貴州苗民概況

二、裝飾

三、花紋

第三節 居住

一、平房

二、樓居

第二章 語文

第一節 語言

一、青苗語

二、仲家語

三、洞家語

四、水家語

第二節 文字

一、木刻

二、水書

三、夷字

四、苗文

第三章 樂歌

第一節 樂器

一、六笙

二、五笙

三、簫笛

四、口琴

貴州苗民概況

貴州苗民概況

五、噴呐

六、銅鼓

第二節 歌曲

一、種類

二、歌例

第四章 婚喪

第一節 婚姻

一、關於媒介方面

二、關於結合方面

第二節 喪祭

一、喪禮

二、祭祀

第五章 習俗

第一節 習性

一、合羣觀念

二、自給友愛

三、刻苦耐勞

四、誠摯服從

五、男女互助

第二節 信仰

一、神鬼

二、鬼師

貴州苗民概況

貴州苗民概況

三、蠱毒

第六章 生產

第一節 畜牧

第二節 耕種

第三節 手工

第七章 交易——趕場

結 論

貴州苗民概況

導言

本省苗民，多結寨而居，男女老幼，俱能操作，不避寒暑，不畏艱難，有刻苦耐勞之習慣，團結合羣之性質，自強不息之精神，其散佈區域，以東南兩路爲最多，西路次之，北路最少。就現在八行政督察區而言，則七八兩區最多，一二三四等區次之，五六兩區最少。如按八十一縣區分，則有六十縣均有苗民散處其間。其散佈之區域既廣，生活環境遂異，有居水濱者，有居於平地者，有深入山崖者，有住於箐林者，歷時既久，因天候水土之不同，語言遂生歧異，因生活習慣之差別，服飾亦隨之改變，於是苗民稱呼乃益繁雜矣。如以衣服顏色區分，則有青苗

，黑苗，白苗，紅苗，以居住地域區分，則有山苗，高坡苗，平地苗，填苗，以地名區分，則有水西苗，加車苗，滾塘苗，以衣服花紋區分，則有花苗，大花苗，小花苗，花衣苗，以穿着之裙區分，則有長裙苗，短裙苗，團裙苗，以職業區分，則有打鐵苗，以裝飾區分，則有枕頭苗。此外尚有吃老革兜等名稱；至稱之爲「家」，則有仲家，洞家，水家等，而仲家復有壯，僮（獐），本地，土人，仲夷，和重，稱謂，水家則有水蠻之分，洞家以服色分，則有白洞，黑洞，花衣洞，以地域區分，則有三寶洞，高坡洞，下河洞，其他尚有六洞，九洞，天虎洞等名目。而昔之水西一帶，又有一部份居民，稱曰夷人，夷人之中，分爲土目（現稱官家），黑夷，白夷，乾夷。凡此種種不同之稱呼，不勝枚舉。但如以「苗」「仲」「洞」「水」「夷」等，概括稱之，而加以比較，則「苗」最多

「仲」「洞」「夷」次之，「水」最少。歷代書志統稱之曰「苗民」「苗夷」「苗蠻」，亦曰「土著」，蓋未深入苗寨，以悉其詳也。

夫苗民，苗蠻，苗夷，土著，種種字樣，雖稱謂不同，實無所軒輊，要皆同居中華領域，同屬中華國民，自應視同一體；然此一部編氓，歷代既受政治之高壓，復遭社會之歧視，因之文化日趨落後，固有之美德，遂亦埋沒無聞。此誠苗民之不幸，亦我整個民族之缺憾也。

茲將苗民生活形態，風俗習慣，與夫言語文字，經濟狀況，簡述於後，俾海內賢達，明其概況，進而研討改進方針，俾此一部份民衆生活，獲相當之改進，因以達復興民族之目的，則其福利，豈僅苗民身受而已哉！

第一章 生活

第一節 飲食

本省地廣人稀，農業地利，急待墾拓，食糧方面，如在豐年，互相週轉，或可自給，其主要糧食，爲稻米，包谷（玉蜀黍），蕎子（蕎麥），山芋，西路多播種包谷，山芋，蕎子，東南路稻米，糯稻較多。苗民因居住地帶之不同，食糧亦因之各異，如西路近雲南一帶苗民，終年以山芋爲主要食料，蕎子次之，包谷則偶爾食之，或以之宴客，其在西路中部之苗民食料，則以包谷爲大宗，少有食山芋蕎子者；至東南路之苗民，除一部開化者，食平常稻米外，幾全部食糯稻，俗稱「苗糯」。此數種糧食，調製之法各有不同，畧述於後。

一、山芋

山芋卽番薯，多就火爐燒食，火爐分燒柴燒煤二種，燒柴者，係掘

地坑於屋中，終日不熄火，因山柴易取，不知節省，且苗民貧苦，衣僅蔽體，甚至有不能具衣者；故此種柴爐，不但可煨燒食品，且爲每家取煖必須用具，家人倚爐傍而睡，天明則取其所需之山芋拋入爐中，各執小木棍，從旁照料燒烤，俟其將熟，則取而食之，連皮帶灰，嚥入腹中，無蔬菜鹽粃佐食，腹飽則飲涼水數碗，各入山工作，其午膳晚餐，亦如法調製；燒煤爐者，則於堂屋中，以磚塊或黃泥，砌成圓形火爐，因附近產煤地之壅塞，燒煤較燒柴便宜，而其功用則相等也。

二、包谷

調煮包谷飯之法：先磨包谷成末拌，以相當之水量，用甑蒸之，其色黃而粒細，吾人乍食時，覺香氣撲鼻，較勝米飯，但食久則味淡，不如米飯，滑潤可口，然在慣食包谷之苗民，則謂包谷質性溫和，尤宜於

老年人食料，往往見苗寨中，小有資產之年老者，多以包谷爲日常食料。第苗民之食包谷，意在充飢，初未計及其有無滋養料也。其他如豆腐，鹽粿，辣子，青菜等，則非至趕場不易購買。

三、蕎子

蕎子飯，調製同包谷，但其色黑，驟視之，雅不欲餐；然偶嘗少許，則覺其味尙美，如佐之以蔬菜或肉類，更爲可口。西路一部苗民，除食山芋外，則以蕎子飯爲換口之珍品。

四、糯稻

東南路苗民，喜食糯稻，每屆稻熟，收割入倉，不及秉穗；於爐灶之上，懸以方形或圓形木架，上置稻谷，烤至極乾，剔而舂之，每日清晨，杵臼之聲滿山谷。其爐灶較之西路，小有分別，卽堂屋建火堂，約

二尺方形。燒煤者，以泥砌成煤爐；燒柴者，以三足鐵架，支撐鍋具。每晨以甌蒸糯飯一次，入夜始舉火；所蒸熟之糯飯，放於大木盆中，以手抓散，使不結團而易冷，食時以手掬之，少有用碗箸者。開化之苗民，則以箸取菜。附近雷公山脚一帶之高坡苗，食飯取菜皆以手，出門則以竹兜盛飯，繫於腰際，休息時取而食之，佐以澗泉。如帶有少許鹽粳辣子，則置掌心飴之。

苗民日常食料，既如此苦窳，關於飲水，其居住平地近河流者，當覺方便；至居於深山者，則時感困難。如附近無山溪之便，則須遠赴平地有水處汲取，甚至半日所汲取之水量，尙難維持一家之使用。故苗寨居民，對於用水之矜貴，同於糧食。食具不輕易洗滌，衣服尤不更換，不願洗濯，卽洗臉濯足，亦多難辦到。食冷飯，飲生水，習以爲常，客

至亦餉以生水。如初至苗寨，欲覓煨水器具，亦屬不易。

第二節 衣服

苗民深居苗寨，男耕女織，古風猶存，終日辛苦，難期溫飽。其衣服裝束多有不同，如花苗則穿花衣，白苗衣尙白色，青苗衣尙青色，苗民男子，衣服無特殊標幟，多穿麻布或土布，衣短無領，色尙青藍。僅有少數服式，較爲奇特。至婦女衣服，不僅服式繁雜，且花紋顏色鮮明，手工精美。遇有宴會，其婦女服飾，尤爲鮮艷。茲就衣服材料，裝束，花紋，飾品，分別畧述如次。

一、材料

苗民所穿之衣服，俱係自製。其材料，除東南產棉，以之織布製衣外，大多數仍以自種之火麻爲之；而苗寨婦人女子，日助農工，晚事紡